

治河全書

治河全書

卷之二十三

章奏

修駱馬湖閘

築王家堂堤

修楊家樓月堤

修郭家嘴石工

節宣之法

濬鹽河

加築武家墩至運口堤工

報清水盛出情形

增修高堰等處子堤

修棠梨樹迤南埽工

保守高堰

修龍門大壩石工

修清水潭越堤

築高澗大壩埽工

防護高堰

裴家場引河

兵部尚書兼都察院右都御史總督河道提督軍務臣張鵬翮謹  
題為欽奉

上諭事案准工部咨開本部等衙門會議河道總督張鵬翮疏  
稱駱馬湖水由舊中河進石閘入黃河助黃刷沙如遇黃  
水大漲恐其倒灌則閉閘以禦之此關係原任知州李經  
邦承修因金門下窄上寬不能下板到底應飭令李經邦  
改修金門合式挑挖引河深通然後議堵中河引水入黃  
等語應如所奏一面興工一面將需用銀兩確估具題可  
也等因奉

日依議速行欽此欽遵抄出到部移咨到臣准此隨行准徐道副使施世綸將宿遷縣駱馬湖石閘作速估計改砌去後今據該道造冊轉詳等因到臣據此該臣看得駱馬湖石閘原係前河臣于成龍委令原任徐州知州李經邦承建尚未報銷經臣查勘金門上寬下窄不能下板到底

奏明飭令李經邦改修金門合式挑挖引河深通然後議堵中河引水入黃在案今據該道廳詳稱李經邦保正藍旗人見往福建平和縣伊子李師亮任所並未來工查此閘關係緊要難容遲緩應照例動帑委令宿桃中河通判葉

增英宿遷縣知縣胡三俊如式拆修所有應用銀兩行據  
淮徐道副使施世綸詳估銀七千九百五十九兩九錢五  
分四釐四毫八絲造冊前來除原冊送部查覈外此係李  
經邦應賠之項仰祈

勅部行令該旗都統於李經邦名下照追還項理合具

題伏乞

皇上睿鑒勅部議覆施行等因康熙三十九年十月十一日題  
本月二十七日奉

旨該部議奏欽此欽遵於十月二十八日抄出到部該臣等議

得先經河道總督張鵬翔將駱馬湖石閘係原任知州李  
經邦承脩金門上寬下窄不能下板到底應飭令李經邦  
改修金門合式挑挖引河深通等因具題經九卿會議覆  
准在案今據該督疏稱李經邦係正藍旗人見往福建平  
和縣伊子李師亮任所並未來工此間關係緊要難容遲  
緩應照例動帑委令宿挑中河通判葉增英等如式拆修  
估用銀七千九百五十九兩九錢零係李經邦應賠之項  
祈

勅部行令該旗都統於李經邦名下照追還項等因前來查該



督既稱駱馬湖石閘關係緊要難容遲緩等語應如所題  
先動帑銀速行如式拆修工完之日將用過銀兩造冊題  
銷具估用銀七千九百五十九兩九錢零行文該旗都統  
於李經邦名下照例勒限半年追取還項可也康熙三十  
九年十一月初八日題本月十三日奉

旨依議欽此欽遵抄出到部移咨到臣准此當經備行該道速  
行拆脩去後今據淮徐道副使施世綸工完造冊詳銷等  
因冊詳到臣據此該臣看得宿遷駱馬湖石閘係原任知  
州李經邦承修因金門上寬下窄不能下板到底經臣具

題動帑委令宿桃中河通判葉增英等拆修原估銀七千九百五十九兩九錢五分四釐四毫八絲部覆速行拆修工完造冊

題銷在案今據淮徐道副使施世綸詳稱遵於實用之內又復覈減計節省銀七百九十五兩九錢二分實銷銀七千一百六十四兩三分四釐四毫八絲等因前來臣覆覈無異除原冊送部查覈外再查改建此間原估銀七千九百五十九兩九錢零應於李經邦名下追取還項前准部咨李經邦見在福建平和縣知縣伊子李師亮任所當經移

咨福建巡撫查追在案至今尚未完解應交與該撫催完  
還項相應具

題伏乞

皇上睿鑒勅部覈銷施行等因康熙四十年十二月初七日題

本月二十一日奉

旨著察覈該部知道欽此欽遵於十二月二十二日抄出到部  
該臣等議得河道總督張鵬翮疏稱宿遷駱馬湖石閘係  
原任知州李經邦承修因金門上寬下窄不能下板到底  
經臣具題動帑拆修估銀七千九百五十九兩九錢零今

實用銀七千一百六十四兩零節省銀七百九十五兩九錢零再查改建此間銀兩應於原修李經邦名下追取還項李經邦見在福建平和縣知縣伊子李師亮任所應交與該撫催完還項等因前來應將用過銀七千一百六十四兩零准其開銷節省銀兩貯庫為河工之用其應追銀兩行文福建巡撫於李經邦名下照例勒限半年追完還項可也康熙四十一年二月初四日題本月初九日奉

旨依議

兵部尚書兼都察院右都御史總督河道提督軍務臣張鵬翮謹  
題為欽奉

上諭事案准工部咨開本部等衙門會議河道總督張鵬翮疏  
稱王家堂缺口坐落睢寧縣黃河南岸地方大溜頂衝最  
屬險要所修月堤浮沙堆築卑薄不堪而舊決口又與月  
堤逼近無容另修應令該廳陳謙吉將月堤賠修高厚作  
為正堤但該廳已經告病一時難以設措恐致誤工應動  
歲修錢糧文與署事同知金玉衡作速備工修築以禦伏  
汎用過錢糧仍令陳謙吉等照例追賠還項等語應如所

奏等因奉

旨依議速行欽此欽遵移咨到臣准此又於康熙三十九年六月二十六日准工部咨為恭報微臣勘過河工情形事都水清吏司案呈奉本部送工科抄出該本部覆河道總督張鵬翮題前事等因康熙三十九年五月初十日題六月初一日奉

旨該部知道欽此欽遵於六月初二日抄出到部該臣等議得河道總督張鵬翮疏稱臣到通州看石壩卑薄沙築交分司王作舟加謹保固新政中河堤岸卑薄不堪清江浦至

淮安寶高江等處土堤排椿工程塌卸殘缺永安界首石  
堤修砌十不及一二見飭備築時家馬頭決口尚未堵塞  
飭其備築陶家庄引河范承勲等挑濬尚未完工歸仁堤  
臨河石工飭其補砌高家堰自武家墩至小黃莊堤岬排  
椿塌卸堤身衝刷石堤並未加砌甚屬危險臨湖釘埽工  
程派官修築石工估計辦料修砌小黃莊至周橋臨湖石  
工完者甚多其堤工係王日藻等加幫尚未全完周橋已  
經堵塞茆家園六壩全衝辦料相機堵塞擬自古溝以至  
六壩照周橋一例砌石俟堵塞六壩另行估計王家堂引

河淤塞仍令馮佑挑濬邳州王家堂決口已脩月堤尚有  
舊缺口未堵飭其堵塞等因前來應令總河飭令該管官  
將此等各處堤岸卑薄殘缺及脩築未完之處速行脩築  
完固時家馬頭決口速行堵塞其邳州王家堂決口先經  
原任總河于成龍題報於九月二十七日堵塞合龍見在  
加幫等因在案今稱舊缺口尚未堵塞係從前捏報完工  
應行該督將從前捏報各官查明題叅可也康熙三十九  
年六月初七日題本月初九日奉

旨依議欽此欽遵抄出到部擬合就行為此合咨前去查照本



部題覆奉

旨內事理欽遵施行等因到臣准此當經檄行該道將王家堂決口飭令速行堵塞並將從前捏報各官查明詳報

題叅去後今據淮徐道副使施世綸工完詳報等因到臣據此該臣看得王家堂月堤加幫高厚作為正堤今據淮徐道副使施世綸詳稱俱於八月二十七日一律加幫完竣共用過歲修銀一千七百六十七兩一錢九分二釐應於原任邵睢河務同知陳謙吉名下追賠還項查陳謙吉已經告病回籍應請

勅山西撫臣就近追解再查王家堂漫工雖未將正口堵塞而  
已築有月堤斷流似非捏報可比合併聲明臣謹具

題伏乞

皇上睿鑒勅部議覆施行等因康熙三十九年九月十三日題

十月初四日奉

旨該部議奏欽此欽遵於十月初五日抄出到部該臣等議得  
先經河道總督張鵬翮疏稱邳州王家堂決口已修月堤  
舊決口與月堤逼近無容另修應令該廳陳謙吉將月堤  
賠修高厚作為正堤但該廳已經告病恐致誤工應用歲

修錢糧修築用過錢糧仍令陳謙吉等照例追賠還項等因經九卿會議覆准在案今據該督疏稱加幫王家堂月堤共用過歲修銀一千七百六十七兩一錢零應於原任邳睢河務同知陳謙吉名下追賠還項查陳謙吉已經告病回籍應請

勅山西撫臣就近追解至王家堂漫工雖未將正口堵塞而已築有月堤斷流似非捏報可比等因前來應將陳謙吉名下追賠銀兩行令山西巡撫照例勒限半年追完至加幫月堤高厚丈尺并用過夫工銀兩細數應行該督開明造

冊報部至王家堂漫缺該督既稱已集有月堤斷流似非  
捏報可比等語應毋庸議康熙三十九年十月二十二日  
題本月二十四日奉

旨依議

兵部尚書兼都察院右都御史總督河道提督軍務臣張鵬翮謹  
題為欽奉

上諭事案准工部咨開本部等衙門會議河道總督張鵬翮疏  
稱徐城對岸沙嘴插入河心二里許以致大溜直射郭家  
嘴甚屬危險應將沙嘴挑挖引河俟水勢大漲資其衝刷  
河嘴以殺大溜水勢郭家嘴舊有石工至北門迤西而止  
每年釘椿下埽補救一時不能經久加砌石工庶可經久  
臣率河官量度自北門石工頭起至段家莊止長六百五  
十餘丈加砌石工與舊石工一律平整不惟可保城池且

可省歲修之費又餘家山石嘴挑出河心以致南岬韓家  
山一帶頂衝崩潰逼近徐城應自楊家樓起至段家莊月  
堤止築月堤長四百餘丈以作重門之障等語應均如所  
奏一面興工一面將需用銀兩確估具題可也等因奉

旨依議速行欽此欽遵抄出到部移咨到臣准此當即檄行該  
道速行估計催修去後今據淮徐道副使施世綸確估造  
冊等因冊詳到臣據此該臣看得徐州郭家嘴舊石工至  
北門迤西每年釘椿下埽不能經久應自北門石工頭起  
至段家莊止加砌石工又韓家山一帶河勢頂衝崩潰逼

近徐城應自楊家樓至段家莊止創築月堤以作重門之障等因經臣具

題部覆應均如所奏一面興工一面將需用銀兩確估具題奉

旨依議速行欽遵在案今據淮徐道副使施世綸詳估郭家嘴石工頭起至段家莊止建築石工長六百五十一丈三尺估用工料銀五萬七千五百三十四釐一毫韓家山一帶自楊家樓起至段家莊止創建月堤一道長四百零五丈估用土方銀四千六十五兩四分俱係據實估計並無

浮冒等因前來臣覆覈無異隨委員外郎丁易監工徐屬  
同知李梅徐州知州佟國弼領帑承修除原冊送部查覈  
外相應具

題伏乞

皇上勅部議覆施行等因康熙三十九年九月十四日題十月

初四日奉

旨該部速議具奏欽此欽遵於十月初五日抄出到部該臣等  
議得先經河道總督張鵬翮將徐州郭家嘴自石工頭起  
至段家莊止應加砌石工又韓家山一帶自楊家樓至段



家莊止應創築月堤等因具題經九卿會議覆准在案今據該督疏稱徐州郭家嘴石工頭起至段家莊止建築石工長六百五十一丈三尺估用工料銀五萬七千五十兩零韓家山一帶自楊家樓起至段家莊止創築月堤一道長四百零五丈估用土方銀四千六十五兩零等因前來查前項建築石工月堤既經該督估計具題應令該督速行乘時堅固修築工完將用過錢糧覈減造冊題銷可也  
康熙三十九年十月初六日題本月初八日奉

旨依議速行欽此欽遵抄出到部移咨到臣准此當經檄行該

道遵照修築去後今據淮徐道副使施世綸造冊轉詳  
題銷等因冊詳到臣據此該臣看得徐州韓家山一帶自楊  
家樓起至段家莊止臣於徐州郭家嘴石工案內

題估創築月堤一道計長四百零五丈估用土方銀四千六  
十五兩四分前據工完詳銷經臣駁減今據淮徐道副使  
施世綸詳稱係照原估修築惟於取土稍近者酌量覈減  
節省銀四百六兩五錢四釐實用過銀三千六百五十八  
兩五錢三分六釐等因前來臣覆覈無異除原冊送部查  
覈外相應具

題伏乞

皇上勅部覈銷施行等因康熙四十一年二月初十日題本月二十六日奉

旨著察覈該部知道欽此欽遵於二月二十七日抄出到部該臣等議得先經河道總督張鵬翮將徐州韓家山一帶自楊家樓起至段家莊止創築月堤長四百零五丈需用銀四千六十五兩零等因估計具題經臣部覆准在案今據該督疏稱前項創築月堤實用過銀三千六百五十八兩五錢三分零節省銀四百六兩五錢零等因前來應將用

過銀兩准其開銷節省銀兩貯庫為河工之用可也康熙  
四十一年三月十三日題本月十五日奉

旨依議

兵部尚書兼都察院右都御史總督河道提督軍務臣張鵬翮謹  
題為欽奉

上諭事康熙三十九年十月十八日准工部咨開都水清吏司  
案呈奉本部送工科抄出該本部覆河道總督張鵬翮題  
前事等因康熙三十九年九月十四日題十月初四日奉  
旨該部速議具奏欽此欽遵於十月初五日抄出到部該臣等  
議得先經河道總督張鵬翮將徐州郭家嘴自石工頭起  
至段家莊止應加砌石工又韓家山一帶自楊家樓至段  
家莊止應創築月堤等因具題經九卿會議覆准在案今

據該督疏稱徐州郭家嘴石工頭起至段家莊止建築石  
工長六百五十一丈三尺估用工料銀五萬七千五十兩  
零韓家山一帶自楊家樓起至段家莊止創築月堤一道  
長四百零五丈估用土方銀四千六十五兩零等因前來  
查前項建築石工月堤既經該督估計具題應令該督速  
行乘時堅固修築工完將用過銀兩覈減造冊題銷可也  
康熙三十九年十月初六日題本月初八日奉

旨依議速行欽此欽遵抄出到部移咨到臣准此當行該道轉  
行去後今據淮徐道副使施世綸造冊估報等因到臣據

此該臣看得徐州郭家嘴一帶險工經臣

題建石工共長六百五十一丈三尺估用物料匠工銀五萬

七千五十兩零部覆准修奉

旨依議欽遵轉行在案臣復往親勘見河溜漸次下徙暫緩至  
今年再看伏秋二汛水勢酌量興砌節省錢糧今據淮徐  
道副使施世綸詳稱段家庄一段長一百一十二丈已過  
秋汛河溜果然下徙可以緩修節省工料銀一萬二百三  
十五兩零其奶奶廟西迤下河溜頂衝臨城更近仍應建  
砌石工長五百三十九丈三尺止應用工料銀四萬六千

八百一十五兩零等因呈詳前來臣覆覈無異查此工原  
未請撥錢糧今仍不另請錢糧動支武家墩石工扣存銀  
兩給發辦料興修相應具疏

題明伏乞

皇上睿鑒施行等因康熙四十年十月初八日題本月二十二  
日奉

旨該部知道欽此欽遵於十月二十三日抄出到部該臣等議  
得先經河道總督張鵬翮將徐州郭家嘴石工頭起至段  
家莊止建築石工長六百五十一丈三尺估用工料銀五



萬七千五十兩零等因具題經臣部覆准在案今據該督  
疏稱臣復往親勘見河溜漸次下徙段家莊一段長一百  
一十二丈可以緩修節省銀一萬二百三十五兩零其奶  
奶廟西迤下河溜頂衝臨城更近仍應建砌石工長五百  
三十九丈三尺止應用工料銀四萬六千八百一十五兩  
零此工不另請錢糧動支武家墩石工扣存銀兩給發辦  
料興修等因前來查段家莊一段既稱河溜下徙可以緩  
修等語應停其修建節省銀兩貯庫為河工之用其奶奶  
廟迤下石工應令該督速行乘時興砌工完覈減造冊題

銷可也康熙四十年十一月初六日題本月初七日奉

旨依議速行

兵部尚書兼都察院右都御史總督河道提督軍務臣張鵬翮謹  
題為謹陳節宣之法仰祈

聖裁事臣按南河誌清口至淮安建有五閘遞相啟閉以防黃  
水之淤又慮水發湍急難於啟閉築壩以遏水衝每歲糧  
艘過盡即於閘外築壩以遏橫流一應官民船隻俱暫行  
盤壩由此而觀則是伏秋水發黃水倒灌自古而已然矣  
故建閘築壩以防淤墊之患今運河初經挑挖俟清水衝  
刷使深河底尺寸既定方為建閘臣於覆料臣陳說復開  
疏內曾經

題明在案茲清水雖以出黃轉盼桃伏秋汛繼至節宣之道  
預防之法不可不急籌也今於張福口裴家場中間開大  
引河一道會張福裴場等引河之水並力敵黃但黃水會  
合衆流來自萬里頻年河身墊高勢大而力強淮水止發  
源桐柏迄今方出清口一半敵黃又一半濟運終虞力分  
而勢弱故蓄高堰之水以助其勢幸而黃水不大發亦足  
以敵之若遇黃水大發在糧船過完之後仍遵

旨堵閉攔黃壩使不得倒灌且可以刷深黃河在糧船正行之  
際遇黃水大發將裴家場引河口門暫閉引清水由三汊

河至文華寺入運河以濟運行倘運河水大山陽一帶由  
涇澗二河洩水入射陽湖下海寶應一帶由于嬰溝洩水  
入射陽湖下海高郵一帶仍由城南栢家墩二大壩洩水  
江都一帶由人字河鳳皇橋等河洩水入江若遇黃淮並  
漲清水由翟家壩天然滾壩洩出黃水由王家營減水壩  
洩入鹽河至平旺湖下海若糧船過完黃水不大發將運  
河頭壩煞壩令清水全入黃水以資衝刷一切官民船隻  
照往例盤壩俟回空糧船到日方可啟壩止留三汊河清  
水仍由文華寺入運河即古人設天妃閘於糧船過後開

開築壩之意也臣蒞美之見未敢擅便伏乞

皇上聖裁施行等因康熙四十年正月二十二日題二月初九日奉

旨這所奏已得河工秘要著九卿詹事科道會同速議具奏欽此欽遵於二月初十日抄出到部該臣等會議得河道總督張鵬翮疏稱臣按南河誌清口至淮安建有五閘遞相啟閉以防黃水之淤又慮水發湍急難於啟閉築壩以遏水衝每歲糧艘過盡即於閘外築壩一應官民船隻俱暫行盤壩由此而觀則是伏秋水發黃水倒灌自古而已然

故建閘築壩以防淤墊之患運河初經挑挖俟清水衝刷  
使深河底尺寸既定方可建閘臣覆料臣陳說復閘疏內  
題明在案茲清水雖已出黃轉盼挑挖汛繼至節宣之  
道預防之法不可不急籌今於張福口裴家場中間開引  
河一道令張福裴場等引河之水并力敵黃但黃水會合  
衆流勢大而力強淮水方出清口一半敵黃一半濟運終  
虞力分而勢弱故蓄高堰之水以助其勢幸而黃水不大  
發亦足以敵之若遇黃水大發在糧船過完後仍遵

旨堵閉閘黃壩使不得倒灌在糧船正行之際遇黃水大發將

裴家場引河口門暫開引清水由三汭河至文華寺入運河以濟運行倘運河水大山陽一帶由涇澗二河洩水入射陽湖下海寶應一帶由子嬰溝洩水入射陽湖下海高郵一帶由城南柏家墩二大壩洩水江都一帶由人字河鳳皇橋等河洩水入江若遇黃淮並漲清水由翟家壩天然滾壩洩出黃水由王家營減水壩洩入鹽河至平旺河下海若糧船過完黃水不大發將運河頭壩煞壩令清水全入黃河以資衝刷一切官民船隻照往例盤壩俟回空糧船到日方可啟壩止留三汭河清水仍由文華寺入運



河等因前來查先經該督題請將涇澗二河子嬰溝高郵城南淤壩王家營減壩人字河鳳皇橋等河挑濬修建等因經九卿會議覆准又請運河建閘俟運河挑完之日估計具題等因經工部覆准在案今該督既稱張福口裴家場中間開引河一道會張福裴場等引河之水並力敵黃但黃水勢大力強清水一半敵黃一半濟運力分勢弱故蓄高堰之水以助其勢若遇黃水大發在糧船過完後仍遵

旨堵閉閘黃壩使不得倒灌在糧船正行之際遇黃水大發將

裴家場引河口門暫開引清水由三汊河至文華寺入運  
河以濟運行倘運河水大由涇澗等河洩入海人字等河  
洩入江并高郵城南等壩洩水若糧船過完黃水不大發  
將運河頭壩煞壩令清水全入黃河以資衝刷一切官民  
船隻盤壩俟回空糧船到日啟開止留三汊河清水仍由  
文華寺入運河等語應均如該督所題可也康熙四十年  
二月十二日題本月十五日奉

旨依議速行

兵部尚書兼都察院右都御史總督河道提督軍務臣張鵬翮謹  
題為謹陳節宣之法仰祈

聖裁事案查康熙四十年二月二十九日准工部咨開九卿會  
議河道總督張鵬翮疏稱張福口裴家場中間開引河一  
道會張福裴場等引河之水並力敵黃但黃水會合衆流  
勢大而力强淮水方出清口一半敵黃一半濟運終虞力  
分而勢弱故蓄高堰之水以助其勢幸而黃水不大發亦  
足以敵之若遇黃水大發在糧船過完後仍遵

旨堵閉欄黃壩使不得倒灌在糧船正行之際遇黃水大發將

裴家場引河口門暫開清水由三汊河至文華寺入運河以濟運倘運河水大山陽一帶由涇澗二河洩水入射陽湖下海寶應一帶由子嬰溝洩水入射陽湖下海高郵一帶由城南栢家墩二大壩洩水江都一帶由人字河鳳皇橋等河洩水入江若遇黃淮並漲清水由翟家壩天然滾壩洩出黃水由王家營減水壩洩入鹽河至平旺河下海應如該督所題等因奉

旨依議速行欽此欽遵抄出到部移咨到臣准此該臣看得黃水漲發由王家營減水壩洩入鹽河至平旺河下海經臣

具

題九卿會覆應如所題等因奉

旨依議速行欽遵在案今時家馬頭堵閉之後漫水已涸臣率  
河官親往丈勘鹽河淤塞一千九百一十丈堤工衝去四  
千一百八十一丈則前河臣時刷寬一千二百餘丈因水  
大未得確實故也又查兩所殘缺堤工長一萬九百一十  
九丈九尺俱係緊要工程復委員估計挑河築堤約需銀  
六萬四千七百五十八兩零檢查舊案此河原係商人運  
鹽之河康熙二十六年正月內前河臣靳輔令商人捐銀

八萬餘兩挑濬曾經

題准在案今復河淤堤衝若責之原任通判余三瀛原任千  
總顧德長樂司巡檢閻和鼎通判葉增英等賠修工大費  
繁力不能措勢必遲誤將應賠銀兩查明照追相應仍照  
往例令商人助銀六萬四千七百五十八兩零以為挑河  
築堤之需且兩淮商人蒙

皇上南巡時沛

浩蕩之恩蠲免加增課銀禁止鹽院派取贏餘督撫等衙門陋  
規不下數十萬兩商力已裕况捐鹽商之資以挑運鹽之

河當亦衆商所樂從者也但挑汛已過伏秋繼至減水壩  
開放為期已迫恐衆商捐解緩不濟急先照數動加捐及  
節省銀兩委海州知州張建烈安東縣知縣彭銘等作速  
乘時挑河築堤用過銀兩行令兩淮運使照數於各商名  
下催解補項此河一通不特有利於商又能宣洩黃河減  
下之水兼利河道且上游一帶田畝受益不小所謂一舉  
而三善備焉者矣除估冊另行咨送工部外臣謹具

題伏乞

皇上睿鑒勅部議覆施行等因康熙四十年三月二十六日題

四月十二日奉

旨該部議奏欽此欽遵於四月十三日抄出到部該臣等議得河道總督張鵬翮疏稱黃水漲發由王家營減水壩洩入鹽河至平旺河下海經臣具題九卿會覆應如所題等因在案今親往丈勘鹽河淤塞一千九百一十丈堤工衝去四千一百八十一丈兩岸殘缺堤工一萬九百一十九丈九尺俱係緊要工程復委員估計挑河築堤約需銀六萬四千七百五十八兩零查此係商人運鹽之河康熙二十六年前河臣靳輔令商人捐銀八萬餘兩挑濬曾經題准



在案今復河淤堤衝若責之原任通判余三瀛等賠修工  
大費繁力不能措勢必遲誤將應賠銀兩查明照追仍照  
往例令商人捐助銀六萬四千七百五十八兩零挑河築  
堤但挑汛已過伏秋繼至減水壩開放為期已迫恐衆商  
捐解緩不濟急先動加捐及節省銀兩委海州知州張建  
烈等作速乘時挑築用過銀兩令兩淮運使照數於各商  
名下催解補項等因前來查康熙二十六年前河臣靳輔  
具題海安境內舊鹽河淤塞淺涸二萬丈挑濬之費不下  
十餘萬兩鹽商情願幫銀八萬餘兩協挑等因經九鄉會

議覆准在案今此河淤堤衝例應該管官員賠修該督既稱若責之原任通判余三瀛等賠修工大費繁力不能措勢必遲誤將應賠銀兩查明照追仍照往例令商人捐助今挑汛已過伏秋繼至減水壩開放為期已迫恐衆商捐解緩不濟急先動加捐及節省銀兩作速乘時挑築用過銀兩於各鹽商催解補項等語應均如該督所題至挑河築堤需用錢糧細數應行該督確估具題再查康熙三十九年十月內總河張鵬翮以楊家馬頭漫缺寬一千三百餘丈等因將疎防之署中河通判事候補通判余三瀛等

職名開列題叅臣部會同吏兵二部議覆將余三瀛等革職戴罪勒限半年賠修并將該管道員作速補叅等因具題行文在案今半年之限將滿並未賠修又不將該道題叅且前疏稱漫缺堤工一千二百餘丈今疏稱四千一百八十一丈前後互異應行該督查明并將不行賠修官員以及該管道員等作速題叅可也康熙四十年五月初二日題本月初四日奉

旨依議欽此欽遵抄出到部移咨到臣准此隨行淮揚道確估并將前後丈尺互異及不行賠修官員以及道員等作速

詳報

題奏去後今據淮揚道叅議王謙覈明造冊詳報等因到臣  
據此該臣看得安東鹽河南北兩岸堤工及淤塞鹽河急  
應勦帑挑築經臣具

題約估銀六萬四千七百五十八兩零部議需用錢糧細數  
確估具題等因奉

旨依議欽遵轉行在案今據淮揚道叅議王謙詳稱安東境內  
北岸創築堤工長四千一百八十一丈五尺加幫卑矮堤  
工長六千九百三丈五尺需用土方銀四萬二千三百七

十九兩六錢七分七釐九毫又南岍堤工卑矮殘缺應行  
加幫工長四千四百七丈四尺需用土方銀一萬二千一  
百五十六兩七錢四釐七毫七絲淤墊河身長一千九百  
一十丈共銀四千八十六兩五錢四分七釐二毫又因高  
家馬頭舊河灣曲逼近新堤相度形勢切去河嘴工長一  
百九十丈估用銀四百六十一兩七錢又原議挑南潮河  
引水下海今查孫家林起至新安鎮盧家溝河止實係運  
鹽故道若挑濬此河商民稱便估用土方銀七千七百五  
兩四錢七分通共估銀六萬六千七百九十兩九分九釐

八毫七絲較比前疏內多銀二千三十二兩九分零不另  
請錢糧卽於本案節省銀內動支濟用並無浮冒相應造  
冊估計至部查前疏衝漫堤工長一千二百餘丈今疏稱  
四千一百八十一丈前後互異之處查楊家馬頭漫缺及  
漸次刷寬頂底全無者共有一千七百八十四丈五尺又  
迤下魯家馬頭亦因漫溢之水內外汕刷以致頂底全無  
計長二千三十七丈創築堤工該銀二萬一千三百五十  
二兩三錢一分已於恭報伏汛等事案內議令余三瀛等  
名下追賠還項并將該管道員

題叅在案又高家馬頭亦因漫溢汕刷三百六十丈該土方銀二千六百三十八兩三錢已於恭報伏汎等事案內議派前署安清通判事宿桃中河通判葉增英等名下均賠具

題在案二共四千一百八十一丈其前疏稱一千二百餘丈以水占未得確數之故等因冊詳前來臣覆覈無異除原冊送部查覈外相應具

題伏乞

皇上勅部議覆施行等因康熙四十年十二月十七日題四十

一年正月二十五日奉

旨該部知道欽此欽遵於正月二十六日抄出到部該臣等議  
得先經河道總督張鵬翮疏稱黃水漲發由王家營減壩  
洩入鹽河至平旺河下海今鹽河淤塞一千九百一十丈  
堤工衝去四千一百八十一丈西岫殘缺堤工一萬九百  
一十九丈九尺查此係商人運鹽之河康熙二十六年令  
商人捐銀挑濬在案今復河淤堤衝若責之原任通判余  
三瀛等賠修勢必遲誤將應賠銀兩查明照追仍照往例  
令商人捐銀挑築恐衆商捐解緩不濟急應先動加捐及



節省銀兩挑築將用過銀兩令兩淮運使於各商名下催解補項等因臣部覆令將需用錢糧細數確估具題并將衝去堤工丈尺前後題報互異之處查明具題去後今據該督疏稱安東北岍創築堤長四千一百八十一丈五尺加幫堤長六千九百三丈五尺南岸加幫工長四千四百七丈四尺淤墊河身長一千九百一十丈又挑新安鎮河通共估銀六萬六千七百九十兩零於節省銀內動支濟用至部查前疏衝漫堤工互異之處查楊家馬頭漫缺一千七百八十四丈五尺又魯家馬頭漫溢沁刷長二千三

十七丈高家馬頭汕刷三百六十丈共四千一百八十一丈其前疏稱一千二百餘丈以水占未得確數之故等因前來查安東南北兩岫築堤挑河既經該督估計具題應令速行挑築工完之日將用過錢糧覈減造冊題銷一面於應賠之原任通判余三瀛葉增英等照追并各商名下追完還項至衝漫堤工丈尺前後互異之處既經該督聲明應毋庸議康熙四十一年二月十五日題本月十八日奉

旨依議速行

兵部尚書兼都察院右都御史總督河道提督軍務臣張鵬翮謹  
題為急修緊要工程事該臣看得武家墩至運口一帶堤工  
捍禦湖水風浪最關緊要前河臣于成龍等

題請大修高堰堤工案內失於估計以彼時湖水未出故也  
今六壩堵閉全完洪澤湖水勢盛出遠流武家墩一帶堤  
根而舊堤卑矮單薄難資捍禦必須作速加幫高厚簽釘  
排椿與高堰堤工一律相平又新大墩至裴家場從前未  
有堤工應創築攔河壩一道方可束水禦浪敵黃濟運茲  
據淮揚道叅議王謙誥稱武家墩至運口一帶堤工計長

一千二百七十二丈約需工料土方銀二萬一千八百一十七兩零此工原屬高堰工程應動高堰大工銀兩作速興工早竣以資捍禦等因前來臣親勘委屬緊要一面令淮徐道副使施世綸動支高堰大工銀兩委署裡河同知事候補知府蕭星拱等作速辦料興工仍一面估計造冊另疏具

題外所有急修緊要工程理合恭疏

題明伏乞

皇上睿鑒勅部議覆施行等因康熙四十年二月二十四日題

三月初九日奉

旨該部速議具奏欽此欽遵於三月初十日抄出到部該臣等  
議得河道總督張鵬翮疏稱六壩堵閉全完洪澤湖水盛  
出武家墩一帶舊堤卑矮单薄難資捍禦必須作速加幫  
高厚簽釘排樁與高堰堤工一律相平又新大墩至裴家  
場從前未有堤工應創築攔河壩一道方可束水禦浪敵  
黃濟運約需銀二萬一千八百一十七兩零此工委屬緊  
要一面動支高堰大工銀兩委署裡河同知事候補知府  
蕭星拱等辦料興工仍一面估計造冊另疏具題等因前

來查該督既稱六壩全堵湖水盛出武家墩一帶堤工卑薄須加幫高厚簽釘排樁又新大墩至裴家場應築攔河壩一道方可束水禦浪敵黃濟運等語應如所題令其速行建築并簽釘排樁一面將需用錢糧細數確估具題可也康熙四十年三月十一日題本月十二日奉

旨依議速行欽此欽遵移咨到臣准此當即檄行淮揚道估計造冊詳報去後今據淮揚道叅議王謙造冊詳報

題估等因到臣據此該臣看得六壩已閉湖水盛出武家墩一帶舊堤卑矮单薄必速加幫高厚簽釘排樁又新大墩

至裴家場從前未有堤工應創築攔河壩一道束水敵黃  
濟運經臣具

題部議應如所題速行建築簽釘排椿一面將需用錢糧細  
數確估具

題奉

旨依議速行欽遵在案今行據淮揚道叅議王謙詳稱自武家  
墩起至新大墩止堤長一千一百三十二丈加幫高厚於  
臨湖簽釘排椿又新大墩起至裴家場引河口門止從前  
未有堤工創築攔河壩一道長一百四十丈攔截湖水敵

黃濟運兩邊清槽下埽埽上釘銀帶柴外釘排椿共估土方工料銀二萬一千八百一十七兩八錢九分七釐三毫查無浮冒造冊詳送前來臣覆覈無異除原冊送部查覈外相應具疏

題估伏乞

皇上勅部議覆施行等因康熙四十年五月十九日題六月十一日奉

旨該部議奏欽此欽遵於六月十二日抄出到部該臣等議得河道總督張鵬翮疏稱自武家墩起至新大墩止堤長一



千一百三十二丈加幫高厚於臨湖簽釘排樁又新大墩  
起至裴家場引河口門止創築攔河壩一道長一百四十  
丈兩邊清槽下埽埽上釘鑲葦柴外釘排樁共估銀二萬  
一千八百一十七兩八錢零等因前來查先經該督將武  
家墩一帶舊堤加幫高厚簽釘排樁又新大墩至裴家場  
應創築攔河壩一道等因具題經臣部覆准行文在案今  
既經該督估計具題應令速行修築工完之日將用過銀  
兩覈減造冊題銷可也康熙四十年六月二十四日題七  
月初四日奉

旨依議

兵部尚書兼都察院右都御史總督河道提督軍務臣張鵬翮謹  
奏為恭報清水盛出情形事臣欽奉

聖訓指授治河方畧堵閉六壩大開清口引清水暢流出口會  
黃入海濟運通行今三月初二初三初四三日桃汛已至  
黃淮並漲清水盛出敵黃有餘時西南風大作高堰一帶  
水長浪湧如龍門大壩高堰大壩堤工卑矮水從趙壩漫  
過與石工之頂相平臣親率河官搶修並六壩一帶堤工  
俱皆平穩但部臣范承勳等估計加幫時六壩未閉未得  
水勢高下確實情形今六壩閉後全湖蓄水堤岸卑矮者

雖水面二三尺高者離水面五六尺不等西風鼓浪危險  
堪虞應將卑矮之處再行加幫臣令河官作速估計動大  
工節省銀兩興修另疏具

題其天然滾水壩尚未開放欲其蓄水敵黃若湖水再長相  
機開放以保堤工初八日臣查看清口形勢武家墩三汊  
河爛泥淺裴家場張家莊湖頭水勢相連沛然而出面寬  
數百丈直繞大墩其流至運口也三汊河裴家場張福口  
張家莊四引河匯為一河寬九十丈流至二座攔黃壩壩  
基淤沙如湯沃雪自然消化流至頭座攔黃壩刷寬四十

六丈兩壩臺亦係淤沙見在蟄裂若清水再長勢必刷開  
自難存住詢之土人云當年黃淮交會時此係河心若刷  
去壩臺口門寬濶則清流益暢方足以洩全湖盛大之勢  
臣觀口濶水溜糧船揚帆安流而過則土人之言不誣也  
但桃汎湖水已大伏汎勢必加長大墩一帶堤工禦湖水  
而保運道關係緊要令河官作速臨湖下埽加幫堤工高  
厚以資捍禦其黃河因會淮合流桃汎水大馬家港難以  
合龍以致走埽口門寬二十丈目前水長不能進埽留此  
口門以洩溢漕之水亦可保固堤岸運河之水平長中河

之水亦大糧船通行快利黃運中三河堤畔見在俱屬平  
穩除高堰堤工間有浪窩及龍門大壩高堰大壩西坎捐  
工漫水之處令各官上緊修補並查明高堰石工間有塌  
卸段落照例於桃汛情形另疏具

題外謹將清水盛出情形先行

奏報伏乞

皇上睿鑒施行等因康熙四十年三月初九日題本月二十二  
日奉

旨該部知道欽此欽遵於三月二十三日抄出到部該臣等議

得河道總督張鵬翔疏稱臣欽奉

聖訓指授治河方畧堵閉六壩大闢清口引清水暢流出口會  
黃入海今三月初二初三初四三日桃汛已至淮黃並長  
清水盛出敵黃有餘但六壩閉後全湖蓄水堤岸卑矮者  
離水面二三尺高者離水面五六尺不等西風鼓浪危險  
堪虞應將卑矮之處再行加幫臣令河官作速估計動大  
工節省銀兩興修另疏具題其天然滾水壩尚未放開蓄  
水敵黃若湖水再長相機開放以保堤工初八日臣查看  
清口形勢武家墩三汊河爛泥淺裴家場張家莊湖頭水

勢相連面寬數百丈直繞大墩其流至運口也三汊河襲家場張福口張家莊四引河匯為一河寬九十丈流出二座欄黃壩壩基淤沙消化流至頭座欄黃壩刷寬四十六丈兩壩臺亦係淤沙見在壘裂若清水再長勢必刷開若刷去壩臺口門寬濶方足以洩全湖盛大之勢大墩一帶堤工禦湖水而保運道關係緊要令河官作速臨湖下埽加幫堤工高厚以資捍禦其黃河因會淮合流挑汎水大馬家港難以合龍以致走埽口門寬二十丈因目前水長不能進埽留此口門以洩溢漕之水黃運中三河堤岸俱



屬平穩高堰堤工間有浪窩及龍門大壩高堰大壩西坎  
捐工漫水之處令各官上緊修補并查明高堰石工間有  
塌卸段落照例於挑汛情形另疏具題外謹將清水盛出  
情形先行奏報等因前來查高堰一帶堤工應行加幫之  
處該督既稱估計動大工節省銀兩興修另疏具題又高  
堰石工塌卸段落查明具題等語俱應自具題到日再議  
至大墩等處堤工應行該督飭令該管官速行下埽修補  
再馬家港口門既稱目前水長不能進埽應俟水落即行  
堵塞可也康熙四十年四月十一日題本月十三日奉

旨依議

兵部尚書兼都察院右都御史總督河道提督軍務臣張鵬翮謹  
題為

題明急修緊要工程事康熙四十年三月初四等日准分修  
宮夢仁咨開分修唐埂中壩埽工照估鑲柴完竣今水漸  
長應再行估計加高等因又准分修馬世濟咨開湖水日  
長唐埂徐壩汛臨湖鑲柴已完今相度形勢應再加高等  
因又准分修金鉉咨開分修之工恐挑汛夏月水長應再  
加高以備不虞等因到臣維時臣見駐高堰工所見工程  
緊急已委効力知縣陳鵬年同該汛通判朱廷植署事縣

參翁煜該汛守備夏景松等逐一查丈沿湖鑲柴出水面  
形勢高者五六尺不等卑者二三尺不等隨於六壩工所  
傳集新舊河員趙世顯李言王竊等公議通工加鑲柴工  
以七尺為度如六尺者加一尺五尺者加二尺四尺者加  
三尺三尺者加四尺以次第加高出水面七尺上壘土三  
尺方可捍禦風浪一面咨商分修董訥等據回稱湖水暴  
長加鑲柴工以資捍禦悉聽酌定遵行等因又據陳鵬年  
朱廷植等造具估冊前來該臣看得高堰一帶堤工前部  
臣范承勲等估計加幫時因六壩未閉未得水勢確實情

形不過約略估計今六壩已閉淮水復由故道會黃入海  
水勢加長全湖形勢可得其真今三月初二初三初四等  
日桃汛水長風暴大作臣見沿湖鑲柴卑者初浪掣土再  
浪掣柴惟高者風浪不能撼越則是加高工程實有裨益  
臣委員丈量自出水面至頂高者五六尺不等卑者二三  
尺不等桃汛初至水勢已如此之大將來伏秋二汛勢必  
更長臣集新舊河官公議修防之法僉云通工加鑲柴工  
以七尺為度如六尺者加一尺五尺者加二尺以次第加  
高出水面七尺處可得禦風浪准分修馬世濟宮夢仁金

鉉等咨稱鎮柴加高前來復咨商分修董訥王起元線一  
信陳汝器李應鷹等衆議相同隨委効力知縣陳鵬年同  
該汛通判朱廷植等逐一按工確估自武家墩起至棠梨  
樹止計長一萬四千九百八十一丈二尺三寸需用工料  
土方銀二萬九千三百三十一兩二分零隨行准徐道副  
使施世綸照數動支高堰大工銀兩交原修官照段作速  
辦料加鑲以資捍禦其六壩與王家口新開俱係埽工石  
堤未能即成公議於臨湖密釘排椿以抵風浪而固堤身  
需銀九千九百九十八兩五錢七分零亦照數動支高堰大

工銀兩交原修官作速辦料簽釘蓋蓄清敵黃金時高堰  
堤工堅固關係最為緊要刻不容緩臣照例一面動帑交  
原修官作速興修估冊送部外理合恭疏

題明伏乞

皇上睿鑒勅部議覆施行等因康熙四十年三月二十二日題  
四月初六日奉

旨該部知道欽此欽遵於四月初七日抄出到部該臣等議得  
河道總督張鵬翮疏稱六壩已閉水勢加長今三月初二  
等日桃汛水長風暴大作臣見沿湖簾柴卑者初浪掣土

再浪掣柴惟高者風浪不能撼越是加高工程實有裨益  
臣集新舊河官公議通工加鑲柴工以七尺為度如六尺  
者加一尺五尺者加二尺以次第加高出水面七尺捍禦  
風浪自武家墩起至棠梨樹止長一萬四千九百八十一  
丈二尺三寸需用工料土方銀二萬九千三百三十一兩  
二分零又六壩與王家口新開俱係埽工公議簽釘排椿  
以抵風浪需銀九千九百九十八兩五錢零蓄清敵黃金  
恃高堰堤工堅固關係緊要臣一面動帑興修等因前來  
該督既稱蓄清敵黃金恃高堰堤工堅固關係緊要應如



所題速行堅固修築俟工完之日將用過銀兩覈減造冊  
題銷可也康熙四十年四月二十六日題五月初一日奉  
旨依議速行

兵部尚書兼都察院右都御史總督河道提督軍務臣張鵬翮謹  
題為估修緊要工程事據淮徐道副使施世綸詳據署山盱  
通判事清河縣知縣金啟瑞詳稱徐壩汎棠梨樹迤南至  
秦家高岡止向因地勢稍高未經估入加幫案內近因六  
壩全堵湖水聚長此處較比通堤卑矮最關緊要兼之西  
風疊作浪汕塌卸致將蔣壩迤南坦坡頂土汕去四五六  
尺不等及蔣壩迤北至天然壩止臨湖皆係土堤汕刷堤  
工卑職親詣查勘甚屬危險若不乘時丁鑲柴工擔護實  
難抵禦計工長八百九十四丈需用銀一萬九百六十三

兩五錢五分八釐二毫一絲相應造冊詳報伏乞本道轉  
詳迅賜委員發帑興修等因到道據此該本道查得棠梨  
樹至秦家高岡止向因地勢稍高常侍郎同前任于部院  
等未曾估入修築高堰一帶大堤之內今六壩全堵水勢  
聚積增長通堤已經加高此處反覺卑矮一遇西風鼓浪  
土堤難支急應照六壩一律臨湖鑲柴以資捍禦計工長  
八百九十四丈需銀一萬九百六十三兩五錢零即於高  
堰大工銀內動用分估十五段造冊詳送伏候移行各分  
修興學道作速興工鑲築仍令該汛廳員協修以期速竣

與周橋等處一律完整有裨全湖工程良非淺鮮等因到  
臣據此該臣看得六壩自棠梨樹迤南至秦家高岡一帶  
堤工前河臣于成龍等因彼時六壩未閘水勢東注此處  
地勢稍高未經估計加幫今據淮徐道副使施世綸等詳  
稱今六壩全堵湖水聚長通堤既經加高此處反覺卑矮  
一遇西風鼓浪危險堪虞必須照六壩一律臨湖丁頭鑲  
柴以資捍禦計工長八百九十四丈需用銀一萬九百六  
十三兩五錢零應動用高堰大工銀兩交各分修鑲柴仍  
責令該汛廳員協修以期速竣等因前來臣復親勘無異

除原冊送部查覈外臣謹具疏

題估伏乞

皇上睿鑒勅部迅議施行等因康熙四十年三月二十八日題  
四月十三日奉

旨該部速議具奏欽此欽遵於四月十四日抄出到部該臣等  
議得河道總督張鵬翮疏稱自棠梨樹迤南至秦家高岡  
一帶堤工前河臣于成龍等因彼時六壩未開水勢東注  
此處地勢稍高未經估計加幫今六壩全堵湖水聚長通  
堤既經加高此處反覺卑矮一遇西風鼓浪危險堪虞必

須照六壩一律臨湖丁頭鑲柴以資捍禦計工長八百九十四丈需用銀一萬九百六十三兩五錢零應動用高堰大工銀兩交各分修鑲築仍責令該汛廳員協修以期速竣等因前來查棠梨樹迤南至秦家高岡一帶堤工該督既稱六壩全堵湖水聚長一遇西風鼓浪危險堪虞必須照六壩一律丁頭鑲柴以資捍禦等語應如所題速行鑲築工完之日將用過銀兩覈減造冊題銷可也康熙四十年四月十七日題本月十八日奉

旨依議速行

兵部尚書兼都察院右都御史總督河道提督軍務臣張鵬翮謹  
題為欽奉

上諭事康熙四十年四月初四日工部郎中王進楫傳奉

上諭對總河張鵬翮說保守高家堰第一要緊欽此欽遵仰見  
我

皇上塵懷

國計民生無時不以河工為念矧期平成奏績萬世永賴之  
盛心也今六壩全閉淮水初復故道水勢蓄長止由清口一路  
會黃入海一切堤工俱係新築湖寬水盛風浪易發最為

險要加謹保守誠如

聖諭臣等公議保守之法一在分地巡防自清口歷高家堰至六壩每五里派官二員不分風雨晝夜巡防發帑委能員備料運至工所備用其臨湖鑲柴預防浪擊武家墩至高家堰令原修之廳員住工防守自小黃莊至周家橋令分修諸臣住工防守自周橋至六壩令分修諸臣及接修學道河員住工防守臣仍不時親往高堰適中之地分頭督催一在修理險要工程查龍門大壩部臣范承勲等原估鑲柴二路後止鑲一路將一路節省不鑲今湖水盛大止



鑲一路堤身單薄不足禦浪應將節省一路仍發帑令分修宮夢仁作速購料加鑲其高濶大壩地形低窪內有積水深潭係分修撫臣高承爵所修之工裏餞旋修旋舊堤頂寬不滿三丈一遇風浪甚屬危險臣相度形勢應於裏口築越堤一道以為重門之障委劾力學道王式穀領帑承築該汎官協修其內餞舊陷之處仍令高承爵之弟高蔭爵照原估下埽鎮填堅實至於宣洩之方因三滾水壩尚未修成從權暫設天然滾壩遏淮黃並長之時清水由天然滾壩洩去黃水由王家營減壩洩入鹽河下海已

經

題明奉

旨先行在案如此則巡防嚴密堤工可免汕刷宣洩以時堤工  
可保無虞似亦保守之一端也理合

題明伏乞

皇上睿鑒施行等因康熙四十年四月初七日題本月二十四  
日奉

旨該部知道欽此欽遵於四月二十五日抄出到部該臣等議  
得河道總督張鵬翮疏稱工部郎中王進楫傳奉

上諭對總河張鵬翮說保守高家堰第一要緊欽此欽遵臣等  
公議分地巡防武家墩至高家堰令原修廳員住工防守  
自小黃莊至周橋令分修諸臣住工防守自周橋至六壩  
令分修諸臣及學道河員住工防守臣不時親往高家堰  
適中之地分頭督催龍門大壩原估鑲柴二路後將一路  
節省不鑲今湖水盛大堤身卑薄不足禦浪應將節省一  
路發帑令分修官夢仁購料加鑲又高澗大壩地形低窪  
係高承爵所修之工裡戩旋修旋圯一遇風浪甚屬危險  
應於裏口築趙堤以為重門之障委學道王式穀領帑承

築該汛官協修其內戢黃陷之處令高承爵之弟高蔭爵  
照原估下埽鎮填堅實等因前來查該督既稱龍門大壩  
堤身單薄不足禦浪應加鑲柴一路高澗大壩地形低窪  
一遇風浪甚屬危險應於裏口築月堤以為重門之障等  
語應如所題令官夢仁王式穀等領帑作速堅固鑲柴該  
汛廳員協修一面將需用錢糧確估并協修官開明具題  
其高堰大壩裡戢黃陷之處應照原估丈尺令高承爵之  
弟高蔭爵速行賠修堅實報部可也康熙四十年五月十  
八日題本月十九日奉

旨依議速行欽此欽遵抄出到部移咨到臣准此隨經備行該道遵照去後先據淮揚道叅議王謙淮徐道副使施世綸造冊估計轉詳等因到臣據此該臣看得分修原任巡撫宮夢仁承修高澗龍門大壩原估銀柴二路後將節省一路不鑲因湖水盛長堤身單薄不足捍禦應將節省一路發帑令宮夢仁購料加鑲又高澗大壩地勢低窪一遇風浪旋鎮旋蜚甚屬危險應於堤口修建越堤以為重門之障委學道王式敷領帑承築經臣具

題部覆作速鑲築將需用錢糧確估并協修官開明具題等

因奉

旨依議速行欽遵在案行據淮徐道副使施世綸詳稱復估加  
銀高澗龍門大壩節省柴工一路用銀一千一百七兩八  
錢四分四釐四毫淮揚道叅議王謙詳估高澗大壩堤內  
趙堤長二百五丈五尺并鑲柴挑河共用土方料物銀九  
千四百四十四兩八分七釐五毫承修官係學道王式穀  
協修官係山盱通判邊聲威並署主簿許瑜把總陳得功  
也其高承爵之弟高蔭爵承修高澗大壩內鐵鑲柴植陷  
之處已於十月二十二日開工修補等因冊詳前來臣覆

覈無異除原冊送部查覈外相應具

題伏乞

皇上睿鑒勅部議覆施行等因康熙四十年十一月十一日題  
十二月初二日奉

旨該部議奏欽此欽遵於十二月初三日抄出到部該臣等議  
得先經河道總督張鵬翮以龍門大壩鑲柴二路一路節  
省不鑲今湖水盛長堤身單薄應將節省一路發帑令官  
夢仁購料加鑲又高澗大壩地形低窪高承爵所修之工  
東截旋修旋蝕應於裏口築越堤以為重門之障委學道

王式穀領帑承築該汛官協修其裏戢蜑陷之處令高承爵之弟高蔭爵下埽銀填堅實等因具題經臣部覆准在案今據該督疏稱加築龍門大壩柴工一路估銀一千一百七兩八錢零高澗大壩趙堤長二百五丈五尺并鑲柴共用銀九千四百四十四兩零承修官係學道王式穀協修官係山旰通判邊聲威等具高蔭爵承修高澗大壩裡戢蜑陷之處已於十月二十二日開工修補等因前來查龍門大壩加築柴工一路并高澗大壩建築趙堤既經該督估計具題應令其速行修築工完之日將用過錢糧數



明造冊題銷其高澗大壩裡戩墮陷之處應令高蔭爵作  
速修補完工報部可也康熙四十年十二月十七日題本  
月十九日奉

旨依議速行高澗大壩裡戩墮陷之處著高承爵自往河工作  
速修補

兵部尚書兼都察院右都御史總督河道提督軍務臣張鵬翔謹  
題為加修緊要石工事該臣看得六壩全開高堰一帶堤工  
關係最為緊要龍門壩石工係革職管河道馮佑領帑修  
砌原估九層較之臨湖一帶石工卑矮四五尺不等積水  
湮沒石頂危險堪虞必須加砌五層高出水面方資捍禦  
行據淮揚道叅議王謙詳稱工長二百一十丈二尺加高  
五層共需工料銀五千五百三十九兩六錢六分九釐一  
毫屢催馮佑遷延不修若仍令馮佑修理勢必遲誤此係  
緊要工程應照例動高堰大工帑銀委該汎署主簿事許

瑜等辦料乘時修砌所用銀兩于馮佑名下照追還項等  
因前來臣覆覈無異除原冊送部查覈外臣謹具

題伏乞

皇上睿鑒勅部議覆施行等因康熙四十年四月十一日題本  
月二十七日奉

旨該部速議具奏欽此欽遵於四月二十八日抄出到部該臣  
等議得河道總督張鵬翮疏稱六壩全閉高堰一帶堤工  
關係最為緊要龍門壩石工係草職管河道馮佑領帑修  
砌原估九層較臨湖一帶石工卑矮四五尺不等積水湮

漫石頂危險堪虞必須加砌五層高出水面方資捍禦工  
長二百一十丈二尺加高五層共需工料銀五千五百三  
十九兩六錢零若仍令馮佑修理勢必遲誤此係緊要工  
程應照例動高堰大工帑銀委該汛署主簿事許瑜等辦  
料乘時修砌所用銀兩於馮佑名下照追還項等因前來  
查該督既稱龍門壩石工卑矮必須加砌五層若仍令馮  
佑修理勢必遲誤此係緊要工程應照例動高堰大工帑  
銀修砌用過銀兩於馮佑名下追還等語應如所題發帑  
速行辦料修砌工完之日將用過銀兩覈減造冊題銷一

面於馮佑名下查追還項可也康熙四十年五月初一日

題本月初二日奉

旨依議速行

兵部尚書兼都察院右都御史總督河道提督軍務臣張鵬翔謹  
題為

題明亟修緊要工程事該臣看得高堰清水潭工程最為險  
要臣率道廳等官親往看驗原係積水深潭南一半長二  
十丈係督修尚書范承勳等委分修原任貴州巡撫衛既  
齊承築之工估用埽料銀四千九百九十五兩五錢七分  
已經領帑修築工程將完遽而舊陷埽土無存又北一半  
亦長二十丈係委分修原任廣東巡撫江有良承築之工  
估用埽料銀四千九百九十五兩五錢七分亦經領帑修

築工未及半今亦墮陷臣等公同相度此工臨湖舊堤面寬二丈三尺及三丈不等雖有石工尚虞單薄而內裡潭形如釜底水深底淤椿埽難施幫築裡戩土工難於存立公議於內裏加築月堤一道以為重門之障此工最關緊要又值伏汎伊邇奉有保守高家堰第一要緊之

旨若責令原任巡撫衛既齊江有良賠修誠恐一時無措緩不濟急應照例動支高堰大工銀兩令衛既齊及江有良之孫江夢筆作速修築越堤以資捍禦用過銀兩仍於衛既齊江有良名下照數追取還項庶要工不致貽誤矣所有

需用錢糧除委該道廳確估造冊另行咨部外理合具疏  
題明伏乞

皇上睿鑒勅部議覆施行等因康熙四十年四月二十一日題  
五月初七日奉

旨該部速議具奏欽此欽遵於五月初八日抄出到部該臣等  
議得河道總督張鵬翮疏稱高堰清水潭工程最為險要  
南一半長二十丈係原任巡撫衛既齊承築之工估用埽  
料銀四千九百九十五兩五錢七分已經領帑修築工程  
將完遽而頓陷埽土無存北一半長二十丈係原任巡撫



江有良承築之工估用埽料銀四千九百九十五兩五錢七分亦經領帑修築工未及半今亦蜚陷臣等公同相度臨湖舊堤面寬二丈三尺及三丈不等雖有石工尚虞卑薄而內裡潭形如釜底水深底淤橋埽難施帑築裡戩土工難於存立公議於內裡加築越堤一道以為重門之障此工最關緊要又值伏汎伊邇若責令衛既齊江有良賠修誠恐一時無措緩不濟急應照例動支高堰大工銀兩修築越堤以資捍禦用過銀兩仍於衛既齊江有良名下照數追取還項等因前來查該督既稱高堰清水潭工程

埽土墮陷應於內裡加築月堤以為重門之障此工應動  
高堰大工銀兩修築等語應如所題動大工帑銀作速修  
築將用過銀兩仍於衛既齊江有良名下照數追取還項  
其高堰石工仍令該管河員加謹防護務期完固可也康

熙四十年五月初九日題本月初十日奉

旨依議速行

兵部尚書兼都察院右都御史總督河道提督軍務臣張鵬翮謹  
題為欽奉

上諭事據淮揚道叅議王謙詳據山旰通判邊聲威呈稱高堰  
工程近奉

上諭保守第一要緊欽此欽遵轉行到職敢不恪謹修防但查  
高澗大壩最屬險要係分修高撫院闔分工段見今候補  
同知高蔭爵接管承築所有內餉乃昔年大壩深潭勢若  
釜底難以下埽內鑲丁淤墊土加幫奈下無平坦根底未  
免上實下虛旋幫旋卸幸蒙本部院臨工勛議內築越堤

一道以資捍禦第伏汎將屆湖水長發一遇西風實難保固卑職率同汎弁細閱情形見在堤頂不滿三丈雖內建越堤乃新築土方仍應於大堤石工之外離堤三丈五尺水深丈餘底實堅平計長一百五丈密釘排椿內下丁頭埽箇上加套埽一層埽上再鑲魚鱗柴束柴上壅土縱遇西風儘可防護且又為重門保障估計工料土方銀一萬二千五百五十兩三錢六分六釐再查伏汎在適料物繁多一時難以備齊今先將裡口塌卸之處於外口釘椿下埽三十丈即使西風洶湧亦足以資捍禦需用工料土方

銀三千六百一兩三錢四分其餘七十五文俟料物備齊之日即行全築但需用錢糧實因高巡撫承築之內餉不能如式恐有不測之虞是以詳請外加椿埽正所以保其內餉之不實應高撫院自備修築但工程緊急或撥大工錢糧先行修築令高撫院還項等因前來本道覈明無異相應轉詳等因到臣據此該臣看得高澗大壩地勢低窪內有積水深潭係分修撫臣高承爵所修之工裡截旋修旋蜚舊堤頂不滿三丈一遇風浪甚屬危險臣相度形勢應於裡口築月堤一道以為重門之障其內截蜚陷之處

仍令高承爵之弟高蔭爵照原估銀填堅實等因具

題在案今據淮揚道叅議王謙詳稱高澗大壩乃昔年衝激  
深潭內戲旋修旋毀實難存立且堤頂不滿三丈雖內有  
趙堤但係新築之土仍應於大堤石工之外離堤三丈五  
尺密釘排椿丁下埽箇方保萬全計工長一百五丈需用  
銀一萬二千五百五十兩零時屆伏汛料物難齊今議將  
見在裡口塌卸危險之處先下椿埽三十丈需用工料土  
方銀三千六百一兩三錢零以保伏秋二汛所需銀兩實  
因分修撫院高承爵承築內戲不能如式應高承爵自備

修築但工程緊急應動高堰大工節省銀兩修築完日令  
高承爵照數還項庶急工不致遲誤既據該道呈詳前來  
理合具

題伏乞

皇上勅部議覆施行等因康熙四十年六月初一日題本月十  
九日奉

旨著照總河所題速行該部知道

兵部尚書兼都察院右都御史總督河道提督軍務臣張鵬翮謹  
奏為欽奉

上諭事康熙四十年五月二十九日接內閣中書李保柱捧

旨到臣內開康熙四十年五月二十一日大學士伊桑阿馬奇

王熙吳琬熊賜履張英學士法良辛保傅紳范承烈王九

齡曹鎰倫奉

旨高承爵奏報泗州盱眙地方水災著總河張鵬翮會同兩江

總督阿山親行察勘具奏前高家堰閉塞六壩時朕謂六壩  
塞完後泗州盱眙等處必被水淹曾向九卿降有諭旨今六



捕方經開完洪澤湖水長泛溢泗州盱眙等處城郭田畝果  
被水災高家堰堤益覺危險朕為此時屢於懷且天災靡定  
萬一有異常風暴及地動雷震之事亦未可知倘若高家堰  
至於危險則揚州淮安等處皆被災矣朕為此日夜甚切憂  
懼高家堰堤作何保守堅固或另有修治善策著張鵬翮陳  
奏著差爾衙門中書一員前往欽此欽遵臣跪誦之下仰見  
我

皇上軫念民生注意河工無時不廬

聖懷凡河工之事洞照於未然之前應驗於已然之後此皆我

皇上大智如神臣查泗州水災自古已然即六壩全開之時泗州亦被水淹臣於四月二十八日前往泗州查勘水勢情形詢據土人云明季時有水災於康熙十九年泗州城被水淹沒官民移徙堤上等語查康熙三十八年李炳

題報水災揭云泗居山河聚匯之區連年積水為殃災困頻仍歷蒙

皇恩等語則是泗州水災不全係六壩之閉也按泗州誌載宋臣歐陽修泗州先春亭記云問民所素病而治其尤甚者莫大於淮則知淮之為暴於泗自古而已然矣臣觀形勢

盱眙在山之腰泗州在山之下淮水繞泗州而流三十里  
有龜山屹立河中又十五里流過老子山出洪澤湖乃汪  
洋暢沛一遇水發奔濤過舊水流不及勢必助長又有歸  
仁堤諸湖之水奔泓而下入於泗州此其所以多水災也  
桃汎水長淹漫職此之故今四五兩月消口水流甚暢洪  
澤湖水漸消泗州水勢亦漸消且六壩既閉之後水不東  
注高郵寶應興化泰州山陽鹽城江都等州縣田地涸出  
人居平土田可耕種到處感頌

皇仁惟聲如雷且今歲漕艘運河揚帆逆行於四月十二日蓋

數過淮較往年甚速此皆由六壩之閉也其保守高堰之法派員備料防守修理高良澗等險要工程若遇水大開天然壩宣洩已經前疏

題明奉

旨俞允在案今捧讀

綸音臣雖卧病傳集衆河官講求另有修治善策咸稱清口暢流會黃流過惠濟祠達大茭陵一帶皆係清水今五月已過湖水較桃汛時消落二尺餘堤岸平穩此清口引動湖水大溜之所致也若倣古制於翟家壩建閘以資宣洩但

石工不能即成不若馬家港口門仍留不堵以分洩黃水  
辛家蕩修滾水壩以洩黃河異漲之水下流益暢則淮水  
之出清口亦暢淮水之出清口既暢則泗州之淮流不壅  
况馬家港在雲梯關之下辛家蕩在大通口之下皆地處  
海套並無民田不開運道且欽奉

上諭開歸仁堤引河引水出黃則泗州上源之水又無所入上  
無所入下有所疏將來泗州水患庶幾可減等語衆河官  
之議與臣相同但係一得之愚未知當否伏候

聖裁指示臣觀

天意人心可保其成五月初四五等日高堰微雨下河一帶則大雨五月兩次風暴片刻轉風浪不逾堤河工効力人員踴躍捐貲疏濬湖頭引水暢流趨事赴工引領而樂觀河工之成臣等加意防守過此六七八三個月水落歸槽則具疏

題報成功仰慰

睿懷總之黃運中三河俱復故道東南萬姓咸慶河工之成皆仰賴我

皇上區畫周詳

聖謨獨斷精誠感孚

天心順應河伯效靈所致也再照五月二十四日臣在高堰六壩  
巡防督催感冒風寒於二十七日回清江行署服藥調理  
不能即往泗州會勘水災隨咨商兩江督臣阿山或俟病  
愈訂期會勘抑或督臣先往查勘准督臣阿山覆稱先往  
蕪湖常州秋審等語今臣病稍愈移咨督臣阿山擬於本  
月十六日前往泗州等處會勘另疏具

題外所有高堰目前平穩及水勢情形理合先行

奏報臣謹具摺付中書李保任賫捧謹奏請

旨等因康熙四十年六月初八日奏本月二十四日奉

旨九卿詹事科道會同速議具奏欽此欽遵於六月二十五日  
杪出到部該臣等會議得河道總督張鵬翔疏稱臣查泗  
州水災自古已然臣觀形勢行殆在山之腰泗州在山之  
下淮水繞泗州而流三十里有龜山屹立河中又十五里  
流過老子山出洪澤湖乃汪洋暢沛一遇水發奔濤過簕  
水流不及勢必助長又有歸仁堤諸湖之水奔泓而下入  
於泗州此其所以多水災也其保守高堰之法派員備料  
防守修理高良澗等險要工程若遇水大開天然壩宣洩



已經前疏題明在案今清口暢流會黃流過惠濟祠達大  
菱陵一帶皆係清水今五月已過湖水較桃汛時消落二  
尺餘堤岸平穩此清口引動湖水大溜之所致也今不若  
馬家港口門仍留不堵以分洩黃河之水阜家蕩修滾水  
壩以洩黃河異漲之水下流益暢則淮水之出清口亦暢  
淮水之出清口既暢則泗州之淮流不壅且欽奉

上諭開歸仁堤引河引水出黃則泗州上源之水又無所入上  
無所入下有所疏將來泗州水患庶幾可減臣感冒風寒  
回署服藥調理今臣病稍愈移咨督臣阿山擬於本月十

六日前往泗州會勘另疏具題高堰目前平穩等因前來  
臣等伏惟今六壩開完洪澤湖水長泛溢泗州盱眙等處  
城郭田畝被災高家堰堤益覺危險若高家堰至於危險  
則揚州淮安等處亦皆被災

聖諭甚是高堰地方關係甚要應令該督委道廳官住扎工所  
敬謹防守該督親身不時往來巡查毋致危險再該督既  
稱留馬家港口門以分洩黃河之水卒家蕩修滾水壩以  
洩黃河異漲之水開歸仁堤引河引水出黃則泗州上源  
之水上無所入下有所疏泗州水患庶幾可減等語應令

該督將歸仁堤引河作速挑濬馬家港仍暫留口門辛家  
蕩滾水壩速行修理至踏勘泗州水災總河既稱移咨督  
臣阿山擬於本月十六日會勘另疏具題等語應令速行  
會勘具題可也康熙四十年六月二十八日題七月初九  
日奉

旨這堤岸修築防護著照議行前總河于成龍具疏欲將高堰  
六壩堵塞蓄湖水以敵黃水疏通清口九卿覆奏時朕以為  
高堰六壩若行堵塞湖水泛漲泗州等州縣必被水淹沒曾  
諭九卿追遣范承勳等堵塞六壩此非張鵬翮到任之後始

行堵塞頃因巡撫高承爵題報泗州盱眙水災朕勅張鵬翮  
會同江南總督阿山踏勘情形將泗州盱眙泛溢之水設法  
修治作何賑濟蠲租全具奏聞又以洪澤湖水泛漲高家堰  
堤工以致危險朕於此事時切躊躇若高家堰至於危險揚  
州淮安等處州縣皆被淹沒朕為此日夜殊切憂懼高家堰  
堤作何保守堅固更有何修治善策著張鵬翮陳奏曾遣人  
勅諭張鵬翮稱病未往泗州盱眙今具疏稱泗州盱眙水災  
自古已然即六壩全開泗州亦被水災臣往泗州查勘水勢  
情形詢據土人云明季時有水災則泗州水災不係六壩之

閉按泗州誌載宋臣歐陽修先春亭記云民所素病而治其尤甚者莫大於淮則知淮之為暴於泗自古而已然矣今清口水流甚暢洪澤湖水漸消泗州水勢亦漸消且六壩既開之後水不東注高郵寶應興化泰州山陽鹽城江都等州縣田地涸出民得耕種皆河伯效靈之所致等語朕著張鵬翮會同阿山將泗州盱眙泛漲之水作何設法築堤幫修或賑或蠲俱有益於災黎並非欲開高堰六壩救泗州盱眙之民而令淮揚百姓罹於水災也朕念黃河運河關係國計民生三次看閱河工屢行簡任河臣修築堤岸每歲不惜數百萬

帑金解發夏日雨水時晝夜憂慮不時遣人看視凡被水災  
黎截留漕米盡出倉糧賑濟者總為拯救災民並非止救泗  
州盱眙百姓之災而淮安揚州等處百姓聽其罹災之意也  
據張鵬翮謂泗州盱眙水災自古已然而淮揚水災亦素有  
也張鵬翮奏稱六壩既閉淮安揚州百姓俱免水災是但知  
淮揚地方豈獨不知有泗州盱眙天下之大亦並不知其為  
愚昧已至於極朕念四海一家凡有來朝見者必細詢兩澤  
田禾見有居住賀蘭山後公允永春來見問陝省河西田禾  
兩澤黃河水勢據公允永春奏稱今歲自正月至六月滴雨未

降黃河水消二丈有餘西地賴黃河水引入田畝耕種今年  
因河水小不但田禾即莖草亦未生發朕以陝省河西百姓  
作何拯救雖督撫未經具題已晝夜籌度張鵬翮與衆河官  
乃謂清口水出皆賴河伯效靈伊等効力所致此實因黃河  
水小清口之水倖而得出並非伊等効力之所致也統一天  
下之主坐視災黎不為拯救張鵬翮既係讀書之人此果載  
之何記何書耶至張鵬翮題請議叙河員疏內明知朕有諭  
旨故稱九卿未晰今覽此奏又含怒具題意謂必有人阻撓  
果如此懸擬昏憤之極未有如張鵬翮者這事情又似鹽犯

大賊孔文泰之案希圖好勝冒昧不顧將取罪戾著將朕諭旨及張鵬翮所奏一併刊刻於淮安揚州泗州盱眙等處編行張桂令衆民觀看天下之人自有公論



兵部尚書兼都察院右都御史總督河道提督軍務臣張鵬翔謹  
題為欽奉

上諭事康熙三十九年十月二十八日准工部咨開都水清吏  
司案呈奉本部送工科抄出該本部覆兵部尚書范承勳  
等奏前事等因康熙三十九年十月十一日尚書薩木哈  
等轉奏本日奉

旨工部議奏欽此欽遵到部該臣等議得兵部尚書范承勳等  
奏稱臣等奉

命督催春初到工詳加體訪并細覈河員估冊知決口必須釘

埽其餘錄築可止用丁柴內戲坦坡亦稍可減省裁去土方埽料銀四十二萬一千九百餘兩先築小黃莊至周橋止原估土方價值取土百丈之外及隔河船運者牽算每方三錢臣等將此段工程會同河臣張鵬翮議定乾工每方二錢水工及百丈以外者每方二錢二分省銀六萬七千餘兩又鹽壩一段臣等查照舊例仍令商人承築又省銀一千九百餘兩將各分修用帑細冊移送河臣察數彙銷見完土工高厚其水工之未完者亦漸次可竣但堤係新築經風浪雨水其中間有汕損或修築未齊各分修見

在工所應聽河臣察數加工又臣等前奏開運料小河不  
另用帑金一面築堤一面挑濬今小黃莊以南至周橋止  
各分修或咨報已完或以水占尚未挑濬亦應聽河臣兼  
催竣工又裴家場引河照覆估丈尺令王毓賢常維楨等  
挑完今應聽河臣一并覈減彙銷等因前來相應行文總  
河將高堰小黃莊等處并運料小河催令分修及河員速  
行修築挑濬完工其裴家場引河既經完工應令該督將  
用過錢糧查覈造冊題銷可也康熙三十九年十月十三  
日題本月十四日奉

旨依議欽此欽遵抄出到部移咨到臣准此當即檄行該道將高堰小黃莊等處并運料小河催令速行修築挑濬其裴家場引河照例覈減造冊詳銷又復覈減去後今據淮徐道副使施世綸造冊詳銷等因到臣據此該臣看得裴家場引河動捐銀挑挖經部臣范承勲等

奏明挑完應聽河臣覈減彙銷工部議覆奉

旨依議欽遵在案今行據淮徐道副使施世綸詳稱裴家場挑河并建築攔黃壩原估土方工料銀一萬二千三百五十三兩四錢實用銀一萬一千三百八十兩九錢七分六釐

節省銀九百七十二兩四錢二分四釐並無浮冒造冊詳銷前來臣覆覈無異除原冊送部查覈外相應

題銷伏乞

皇上睿鑒勅部覈銷施行等因康熙四十年八月二十二日題

九月十五日奉

旨著察覈該部知道欽此欽遵於九月十六日抄出到部該臣等議得河道總督張鵬翮疏稱裴家場挑河并建築欄黃壩原估土方工料銀一萬二千三百五十三兩四錢實用銀一萬一千三百八十兩九錢七分零節省銀九百七十

二兩四錢二分零等因前來查挑河築壩用過土方工料銀一萬一千三百八十兩九錢七分零與前准銷之例相符應准其開銷其節省銀九百七十二兩四錢二分零行令該督貯庫為河工之用可也康熙四十年十月初二日題本月初五日奉

旨依議